

醫

燈

續

焰

醫燈續焰卷十

錢塘後學潘 楫碩甫註

同邑祖盟王佑賢聖異評

門人 魯應遶兆青 校

蕭明俊公溥

痿病脉證第六十七

痿病肺虛。脉多微緩。或濡或緊。或細或濡。

痿者。委也。足痿不用。有委靡不振之義。故字從委。

其證五藏俱能成。而此獨歸之肺者。本素問也。素問痿論。岐伯曰。肺熱焦。則皮毛虛弱急薄。著則生痿躄。又曰。肺者。藏之長也。爲心之蓋也。有所失忘。所求不得。則發肺鳴。鳴則肺熱葉焦。五藏因肺熱葉焦。發爲痿躄。觀岐伯所言。則知五藏之痿。必自肺始。內則先葉焦。而外則先皮毛虛弱急薄也。蓋肺居心上。爲最高。外合皮毛。爲最表。故云藏之長。心之蓋。主一身之氣。而司呼吸。朝百脉而行榮衛。

故○平○人○氣○象○論○曰○藏○真○高○于○肺○以○行○榮○衛○陰○陽○也○
其○令○收○降○其○化○清○肅○故○有○失○忌○求○謀○不○得○則○肺○氣○
鬱○鬱○則○收○者○愈○收○氣○過○爲○火○而○熱○生○焉○熱○則○清○肅○
之○化○不○行○炎○蒸○之○邪○自○迫○斯○時○也○氣○不○寧○靜○則○喘○
鳴○藏○不○濡○潤○則○焦○萎○然○不○獨○一○肺○止○也○蒸○熏○榮○衛○
耗○竭○藏○陰○嗣○是○五○藏○之○合○如○筋○脉○肉○骨○之○弱○亦○皆○
不○得○其○榮○潤○而○諸○痿○之○證○作○矣○故○岐○伯○又○曰○心○氣○
熱○則○下○脉○厥○而○上○上○則○下○脉○虛○虛○則○生○脉○痿○樞○折○

挈。脛縱而不任地也。

宜丹溪虎潛丸
補陰丸之類

肝氣熱則筋

泄口苦。筋膜乾。筋膜乾則筋急而攣。發為筋痿。

宜

物湯三因加減
四斤丸之類

脾氣熱則胃乾而渴。肌肉不仁。發

為肉痿。

宜東垣神効黃耆湯
錢氏渴黃散之類

腎氣熱則腰脊不舉。

骨枯而髓減。發為骨痿。

宜丹溪虎潛丸三因
加減四斤丸之類

此皆

言肺熱葉焦。皮毛急薄。熱留著不去。災及四藏而

發為諸痿也。若四藏不虛。無隙可乘。則熱亦不能

據襲。故下文岐伯復曰。悲衰大甚。則胞絡絕。胞絡

絕則陽氣內動發則心下崩。數澀血也。故本論曰。

大經空虛。發爲肌痺。傳爲脉痿。

宜仲景炙甘草湯。黑地黃丸之類。

此言悲哀太甚。致心系急而胞絡絕。評熱論曰。胞

脉者。屬心而絡于胞中。絕則不能上交于心。亢陽

內迫。內迫則血溢下崩。隨澀而出。崩則大經空虛。

無以榮灌脉絡。故先爲肌痺而漸傳爲脉痿也。又

曰。思想無窮。所願不得。意淫于外。入房太甚。宗筋

弛縱。發爲筋痿。及爲白淫。故下經曰。筋痿者。生于

肝使內也。

宜知雙八味丸四物湯加味逍遙散之類。

此言外想邪淫而

不遂。及甚于入房。一則肝火抑鬱。一則陰精耗亡。

皆前陰所關。前陰者。宗筋也。宗筋無陰以養。而反

為火迫。故弛縱痿弱。及淫念動。而白物隨下。故筋

痿者。生于肝使內也。又曰。有漸于濕。以水為事。若

有所聞。居處相濕。肌肉濡漬。痺而不仁。發為肉痿。

故下經曰。肉痿者。得于濕地也。

宜胃苓湯仲景防己黃耆湯東垣參

木湯此言從事于水濕之處。居處皆濕。漸受其邪。

留著而濡漬肌肉之間。久則肌肉不仁。發為肉痿。
故肉痿者。得之濕地也。又曰。有所遠行勞倦。逢大
熱而渴。渴則陽氣內伐。內伐則熱舍于腎。腎者。水
藏也。今水不勝火。則骨枯而髓虛。故足不任身。發
為骨痿。故下經曰。骨痿者。生于大熱也。宜知榮入
味九六味
九補陰
九之類此言遠行勞倦。逢熱而渴。渴則內熱殊甚。
內熱甚。則乘其虛者而迫之。遠行勞倦。則腎氣適
虛。經脈別論云持重遠行
汗出于腎腎虛明矣腎虛。則受其熱而不

勝。漸至髓減骨枯。以致足不任身。發爲骨痿。故骨痿者。生于大熱也。又曰。陽明者。五藏六府之海。主潤宗筋。宗筋主束骨而利機關也。衝脉者。經脉之海也。主滲灌谿谷。與陽明合于宗筋。陰陽總宗筋之會。會于氣街。而陽明爲之長。皆屬于帶脉而終于督脉。腰脊不舉。似兼督脉證。故陽明虛。則宗筋縱。帶脉不引。前白淫似帶脉不引證。故足痿不用也。又曰。各補其榮而通其俞。調其虛實。和其逆順。筋脉骨肉。各以其時。

受月。則病已矣。前岐伯論痰之感受傳變。可謂盡矣。而終復歸之陽明者。何哉。蓋陽明爲水穀之海。衝爲血海。此不言水穀而言五藏六府之海。不言血而言經脉之海。見藏府經脉。無非二者爲之源。一潤宗筋爲陽。一灌谿谷爲陰。總宗筋而會于氣街。推陽明爲之長者。氣街乃陽明正脉。亦有導水穀之義。督脉直行。帶脉橫圍。陽明衝脉皆屬帶而絡督。陽明虛。則不能榮養宗筋。而帶脉亦無力收。

引。故足痿不用也。是知束骨利機關者。必藉乎宗
筋。而宗筋又藉陽明之榮潤。故治痿者。獨取陽明
也。然必兼視各藏之榮俞。宜補宜通。受病之時。凡
或衰。或盛。而後逆順可和。虛實可調。病良已矣。此
岐伯答帝治痿之針法也。其脉多微。緩。或濇。或緊。
或細。或濡者。以微。應。皮。毛。緩。應。肌。肉。濇。應。血。脉。緊。
應。筋。膜。細。濡。應。骨。髓。耳。

附方

虎潛丸

見第五十一

補陰丸

黃藥

知母

俱鹽酒拌炒

熟地黃

敗龜板

酥炙各日兩

白芍藥

炭

陳皮

牛膝

酒浸各二兩

虎脰骨

酥炙

瑣陽

酒浸酥炙

當歸

酒洗各一兩半

冬月加乾薑

五錢半

右爲末。酒煮羯羊肉爲丸。鹽湯下。

四物湯

見第二十一

三因方脈
 治虛用緩中
 其精之劑固
 宜大然其注
 於內何以用
 鹿茸五味要
 知虛熱與邪
 熱自是不同

三因加減四斤丸 治腎肝虛熱淫于內致筋骨

痿弱不自勝持起居須人足不任地驚恐戰掉

潮熱時作飲食無味不生力氣諸虛不足。

肉蓯蓉酒浸 牛膝酒浸 天麻

木瓜乾 鹿茸燎去毛切酥炙 五味子酒浸

熟地黃 兎絲子酒浸另研各等分

右爲細末煉蜜丸如桐子大每服五十丸空心

溫酒米飲任下 一方不用五味子有杜仲。

日陽虛
寬而服
勿藥恐
也

東垣神効黃耆湯

黃耆

錢二

人參

去薑

白芍藥

炙甘草

各一錢

蔓荊子

剉二分

陳皮

去白五分

水一盞八分煎一盞去滓臨卧稍熱服如小便

淋澀加澤瀉五分如有大便熱證加黃檗酒炒

四次三分麻木不仁雖有熱不用黃檗再加黃

耆一錢如眼縮小去芍藥忌酒醋濕麵大料物

葱韭蒜及淡滲生冷硬物麻木重甚者加芍藥

木通各一錢。

錢氏瀉黃散 見第四十九

仲景炙甘草湯 見第三十三

黑地黃丸 見第五十一

知葉八味丸 見第三十日

加味逍遙散 見第五十一

胃苓湯 見第十七

仲景防已黃耆湯

防已

一兩

甘艸

半兩

白朮

七錢

黃耆

去蘆一兩一分

右剉每抄五錢七生薑四片大棗一枚水盞半

煎八分去滓溫服良久再服喘者加麻黃半兩

胃中不和加芍藥三分氣上衝者加桂枝三分

下有陳寒者加細辛三分服後當如重行皮中

從腰下如水後坐被上又以一被繞腰以下溫

令微汗差

東垣參朮湯 治氣虛顫掉

人參

白朮

黃耆

錢各二

白茯苓

炙甘草

陳皮

錢各一

甚者加附子

童便製
一錢

水二鍾煎八分食前服。

六味丸

見第十六

痺病脉證第六十八

風寒濕氣合而爲痺。浮澹而緊。三脉乃備。

也。以
三氣
爲病也
不
邪氣
三庫

痺之一證。無如素問痺論之精且詳矣。其言邪客
之多少。傳變之淺深。證狀之虛實。府藏之死生。榮
衛形體之異。寒熱陰陽之分。皆辭義顯明。不可增
損一字。茲錄全文于左。黃帝問曰。痺之安生。岐伯
對曰。風寒濕三氣雜至。合而爲痺也。其風氣勝者
爲行痺。寒氣勝者爲痛痺。濕氣勝者爲着痺也。帝
曰。其有五者何也。岐伯曰。以冬遇此者爲骨痺。以
春遇此者爲筋痺。以夏遇此者爲脉痺。以至陰遇

以五藏之所
合言謂之五

此者爲肌痺。以秋遇此者爲皮痺。帝曰。內舍五藏
六府何氣使然。岐伯曰。五藏皆有合。病久而不
者。內舍於其合也。故骨痺不已。復感于邪。內舍于
腎。筋痺不已。復感于邪。內舍于肝。脉痺不已。復感
于邪。內舍于心。肌痺不已。復感于邪。內舍于脾。皮
痺不已。復感于邪。內舍于肺。所謂痺者。各以其時。
一重感于風寒濕之氣也。凡痺之客五藏者。肺痺者
煩滿喘而嘔。宣寧云。爲心痺者。脉不通。煩則心
蘇子湯之類。

下鼓暴上氣而喘。盛乾善噫。厥氣上則恐。宜茯苓湯之類

肝痺者。夜卧則驚。多飲數小便。上為引如懷。宜華蘅丸

奇効人參散之類 腎痺者。善脹。尻以代踵。脊以代頭。宜加味五

痺湯奇効人參散之類 脾痺者。四肢懈墮。發欬嘔汁。上為大

塞。宜溫中法。炮丸 腸痺者。數飲而出不得。中氣喘

爭。時發殄世。宜茯苓丸之類 胞痺者。少腹膀胱。按之內

痛。若沃以湯。漉于小便。上為清涕。宜腎湯之類 陰氣者。

靜則神藏。躁則消亡。飲食自倍。腸胃乃傷。淫氣喘

陰威之邪令
然裂曰淫

息痺聚于肺。淫氣發思。痺聚于心。淫氣遺溺。痺聚于腎。淫氣乏竭。痺聚于肝。淫氣肌絕。痺聚在脾。諸痺不已。亦益內也。其風氣勝者。其人易已也。帝曰。痺其時有死者。或疼久者。或易已者。其故何也。岐伯曰。其入藏者死。其留連筋骨間者。疼久。其留皮膚間者。易已。帝曰。其客于六府者。何也。岐伯曰。此亦其食飲居處。爲其病本也。六府亦各有俞。風寒濕氣。中其俞。而後發。應之。循俞而入。各舍其府也。

帝曰。以針治之。奈何。岐伯曰。五藏有俞。六府有合。循脉之分。各有所發。各隨其過。則病瘳也。帝曰。榮衛之氣。亦令人痺乎。岐伯曰。榮者。水穀之精氣也。和調于五藏。瀉陳于六府。乃能入于脉也。故循脉上下。貫五藏。絡六府也。衛者。水穀之悍氣也。其氣慄疾滑利。不能入于脉也。故循皮膚之中。分肉之間。熏于盲膜。散于胸腹。逆其氣則病。從其氣則愈。不與風寒濕氣合。故不爲痺。帝曰。善。痺或痛。或不

痛或不仁。或寒。或熱。或燥。或濕。其故何也。岐伯曰。痛者。寒氣多也。有寒故痛也。其不痛不仁者。病久入深。榮衛之行。滯經絡時疎。故不通。皮膚不營。故爲不仁。其寒者。陽氣少。陰氣多。與病相益。故寒也。其熱者。陽氣多。陰氣少。病氣勝。陽遭甲乙經作乘陰。故爲痺熱。其多汗而濡者。此其逢濕甚也。陽氣少。陰氣盛。兩氣相感。故汗出而濡也。帝曰。夫痺之爲病。不痛何也。岐伯曰。痺在于骨則重。在于脉則血凝。

而不流。在于筋則屈不伸。在于肉則不仁。在于皮則寒。故具此五者則不痛也。凡痺之類。逢寒則虫。

甲乙經
作急

逢熱則縱。帝曰。善。其脉浮濇而緊者。浮爲

風。濇爲濕。緊爲寒。乃一脉中見此三種。始爲三邪。雜合。若雜合中。邪有偏勝。則又當審脉之浮多。濇多。緊多。以別之也。至方十一首。固與本論府藏證對。殊不知三邪之變。見于形體者。不可勝紀。論中雖分行痛着三種。而三種之證。未經列出。如痛痿

走注麻木不仁。拳攣重着等證。似與前方。漠不相
關。若集治之。恐迂緩無裨。故又選對證名方於後。
以便採用焉。行痺宜仙露脾散三因松庭丹痛痺
東通神效黃耆湯濕經除濕湯史國公浸酒之類

附方

當歸湯

當歸

酒洗
二錢

赤芍藥

煨一
錢半

獨活

防風

赤茯苓

黃芩

秦艽

各一錢

杏仁

去皮尖
八分

甘艸

六分

桂心

三分

水二鍾。薑三片。煎八分。不拘時溫服。

紫蘇子湯 治肺痺。胸心滿塞。上氣不下。

紫蘇子

炒八兩

半夏

湯洗
五兩

陳皮

去白

桂心

各三兩

人參

白朮

甘艸

炙各二兩

右咬咀。每服四錢。水一盞。生薑五片。棗一枚。煎

七分。去滓。不拘時溫服。

茯神湯 治心痺神思昏塞四肢不利胸中煩悶
時復恐悸。

茯神

去木

羌活

去蘆

麻黃

去節根

麥門冬

去心焙

龍齒

各一兩

遠志

去心

犀角屑

薏苡仁

人參

去蘆

蔓荊子

防風

各七錢五分

赤芍藥

甘草

炙各五錢

右咬咀。每服三錢。水一鍾。薑五片。煎七分。去滓。不拘時溫服。

草薺丸 治肝痺。緩筋脉。去邪毒。調榮衛。

草薺

羌活

去蘆

天麻

酒浸一宿切焙各一

兩

附子

炮去皮臍半兩

乳香

沒藥

另研各二錢半

右爲細末。入乳香沒藥同研勻。煉蜜丸彈子大。每服一丸。空心溫酒化下。日再服。

奇効人參散 治肝癰氣逆。胸脇引痛。眠卧多驚。
筋脉攣急。此藥鎮肝去邪。

人參

二兩

杜仲

去麋皮炒

黃耆

蜜炙

酸棗仁

微炒

茯神

去木各一兩

五味子

細辛

去苗

熟地黄

秦艽

去苗土

羌活

去蘆

丹砂

細研

芎藭

各半兩

右爲細末。入丹砂。再研令勻。每服一錢。不拘時。
溫酒調下。日三服。

五味五痺湯 治五藏痺證。

人參

茯苓

當歸

酒洗

白芍藥

煨

川芎

各一錢 肝心腎痺倍之

五味子

十五粒

白朮

一錢 脾痺倍之

細辛

七分

甘草

五分

水二鍾。煎八分。食遠服。肝痺。加酸棗仁。柴胡。

心痺。加遠志。茯神。麥門冬。脾痺。加厚朴。枳。

實。砂仁。神麴。肺痺。加半夏。紫苑。杏仁。麻黃。

腎痺。加獨活。官桂。杜仲。牛膝。黃耆。草薢。

溫中法麴丸 治脚痺。發欬嘔汁。

法麴

炒

枳實

炒

白茯苓

吳茱萸

湯浸
焙炒

桂心

厚朴

去皮薑
汁炒

當歸

切
焙

升艸

炙各
三兩

麥蘖

微炒
五合

細辛

去
苗

乾薑

炮

麥門冬

去心
焙

附子

炮去
皮臍

桔梗

炒

人參

各一
兩

右爲細末。煉蜜丸。桐子大。每服七十九。食前熱

水下。日三服。

黃耆丸 治脾痺。肌肉消瘦。心腹脹滿。水穀不化。

食即欲嘔。飲食無味。四肢怠惰。或時自利。

黃耆 剉

石斛 去根

附子 炮去皮

肉苁蓉 酒浸切焙

益智 去皮

白朮

人參 各一兩

厚朴 去皮薑汁炒

桂心 各一兩半

五味子

當歸

白豆蔻 去殼

枳實 炒

沉香 剉

良薑 各七錢五分

訶梨勒

煨去核
二兩

吳茱萸

湯洗

丁香

各半
兩

爲細末。煮棗肉和。搗五百杵。丸如梧子大。每服三十丸。食前溫酒送下。

茯苓川芎湯

赤茯苓

一錢
半

桑白皮

防風

蒼朮

米泔浸
一宿炒

麻黃

芍藥

煨

當歸

酒洗各
一錢

官桂

五分

川芎

一錢
二分

甘艸

四分

水二鍾。漿二枚。煎八分。食前溫服。

腎瀝湯

麥門冬

去心

五加皮

犀角

各一錢半

杜仲

薑汁炒去心

桔梗

赤芍藥

煨

木通

各一錢

桑螵蛸

一餅

水二鍾。入羊腎少許。煎八分。食前服。

仙靈脾散 治風走注。往來不定。

仙靈脾

威靈仙

芎藭

蒼耳子

炒

桂心

各一兩

右爲細末。每服一錢。溫酒調。不拘時。

三因控涎丹

見第二十二

烏藥順氣散

見第六十五

丹溪二妙散

治筋骨疼痛。因濕熱者。如有氣。加

氣藥。如血虛。加補血藥。如痛甚。加薑汁。熱辣服

之。

黃蘗

炒

蒼朮

炒製云皮

治筋骨痛
兼用蒼朮
之燥非有濕
者不可各隨
氣血加藥是
丹溪一生活

右爲末。生薑研。入湯煎沸調服。此二物皆有雄壯之氣。如表實氣實者。少酒佐之。

東垣神効黃耆湯

見第六十七

東垣溫經除濕湯 治肢節沉重疼痛無力之聖

藥。

羌活

七分

獨活

黃檗

麻黃

去節

當歸

各三分

柴胡

黃耆

黃連

木香

草豆蔻

神麴

各二分

人參

甘草

炙

澤瀉

猪苓

白朮

各一錢

陳皮

蒼朮

各一錢

白芍藥

三錢

升麻

五分

右作二服。用水二大盞。煎一盞。去滓。食遠稍熱

服。

史國公浸酒方 專治左癱右瘓。四肢頑麻。骨節

酸疼。諸般寒濕風氣。

當歸

虎脰骨

酒浸一日
焙乾酥炙

羌活

鼈甲

炙

草薢

防風

去蘆
入

秦苑

川牛膝

松節

晚蠶砂

各二兩

枸杞子

五兩

乾茄根

八兩飯
上蒸熟

用無灰酒一斗。絹袋盛藥入酒內。封十日。取飲時。不可面向蟬口。恐藥氣衝人頭面。飲酒不可間斷。飲盡藥滓。晒乾爲末。米糊丸。梧子大。空心

酒下五十丸。忌食發風動氣之物。

五疸脉證第六十丸

五疸實熱。脉必洪數。澁微屬虛。最忌發渴。

疸者。黃疸也。謂濕疸。穀疸。女勞疸。酒疸。及黃汗也。名雖分五。實脾胃爲之總司。濕熱爲之原始。夫脾胃屬土。合肌肉而主四肢。其化濕。其性滯着。其色黃。其脉遲緩。所畏者風木。而復喜風之燥。能制者寒水。而反惡水之濕。人之瘵也。若內無脾胃之鬱。

五疸雖
原皆本

見則
黃此
致

外無風濕之搏。雖有外邪。氣機自利。熱不會蒸。黃
又何自而成乎。故金匱要畧論濕疸曰。寸口脉浮
而緩。浮則爲風。緩則爲痺。痺非中風。四肢苦煩。脾
色必黃。瘀熱以行。蓋言風之獨行者。乃名中風。中
風則腠理空疎。皮毛開泄。汗出熱越。不能發黃。今
則脉浮而緩。浮固爲風。緩爲土濕。濕則痺着。非若
風之疎利。必鬱瘀成熱。脾土所主之四肢。亦苦煩
悶。而黃色則蒸行於表也。其論穀疸。則曰跌陽脉

穀道係食氣
腸胃如飯傷
穀道者然

緊而數。數則爲熱。熱則消穀。緊則爲寒。食卽爲滿。
尺脉浮。爲傷腎。跌陽脉緊。爲傷脾。風寒相搏。食穀
卽眩。穀氣不消。胃中苦濁。濁氣下流。小便不通。陰
被其寒。熱流膀胱。身體盡黃。名曰穀疸。夫人飲食
入胃。胃主消納。脾主運輸。脾胃溫和。兩稱其職。今
胃熱而過于強。則徒能消納。脾寒而失之弱。則不
能運輸。旣寒且弱。肝木得以乘之。木者。風也。風與
寒搏。脾愈不通。更加以食。氣愈不消。搏於寒。則中

爲滿。搏於風。則上爲眩。氣既不消。胃中自濁。濁則不能清升。而反下流。下流則脾之緊寒乘腎。胃之

數熱乘膀胱。

尚書洪範曰土爰稼穡。穡穡作耳。夫萬物藉土以生。人賴稼穡以養。稼穡

者穀也。穀氣下流而必歸之腎。與膀胱者亦土乘水義。難經三十七難曰脾氣通于口。口和則知穀味矣。脾主五味。食味之歸于脾者不可勝數。而衝言一穀味者。正稼穡作耳之義也。膀胱者。

都之官。主藏津液。腎者水藏。主通二陰。熱流膀

而小便又復不利。水與熱鬱。未有不蒸。會而成

黃者。以膀胱太陽主表。故黃遍于周身也。

或兼寒熱不食

此虛得之
使內腎
胃之同
不致有
此虛

食即頭眩。心膈不安。久久發黃。其論女勞疸。則曰。爲穀疸。宜茵陳湯加減主之。額上黑。微汗出。手足中熱。薄暮即發。膀胱急。小便自利。名曰女勞疸。腹如水狀。不治。此言女勞而成疸。則黃不言可知矣。細察仲景文義。是亦穀氣鬱蒸之變證也。蓋人過勞於房室。則傷精。精傷則腎虛。腎虛則真水不足。真水不足。則相火熾炎。於是胃中濁熱之氣。不流于膀胱。而竟歸之腎。一以乘不足之水虛。一以就同類之火熾。火熾則君火亦

因而動。況子午同氣。心腎交通。故不惟腎經之足
心熱。而心經之掌心亦熱也。薄暮氣降而屬陰。乘
其已虛之陰。助其下流之勢。無如此際。故薄暮病
卽發也。膀胱雖虛急。而熱不內蓄。故小便自利也。
若濕熱相火鬱甚。久而不愈。則脾氣積而不運。腎
氣散而不藏。致腹脹如有水狀者。是脾腎兩敗。故
不治也。金匱又云。黃家日晡所發熱而反惡寒。此
爲女勞得之。膀胱急。少腹滿。身盡黃。額上黑。足下

酒疸是積飲
傷脾及脾土
之濕化腐酒
之毒然飲
酒以病得乎

熱。因作黑疸。其腹脹如水狀。大便必黑。時溇。此女
勞之病。非水也。腹滿者難治。宜硝礬散主之。其論
酒疸。則曰心中懊懣而熱。不能食。時欲吐。名曰酒
疸。酒疸者。過飲而病黃。亦穀氣鬱蒸之變證也。靈
樞論勇篇云。酒者。水穀之精。熟穀之液也。熟則已
經醞釀。拔其精微。蛻其糟粕。純陽氣勝之物。其性
慤悍。多升而少降。今人飲少酒。卽頭面先紅。此多升少降之明驗也。非上
所云穀氣未經腐熟。醞釀者比。故濕熱不流於下。

但積於中焦。鬱胃薰心。令人外發黃而內煩懊。不能食而時欲吐也。又云。酒疸諸證。小便不利。心中熱。足下熱。又或無熱。譫語。小腹滿。欲吐。鼻燥。其脉浮者。先吐之。沉弦者。先下之。心中熱。欲嘔者。吐之。愈。酒疸下之。久久爲黑疸。目青面黑。心中如噉蒜齏狀。大便正黑。皮膚爪之不仁。其脈浮弱。雖黑微黃。故知之。酒疸心中懊憹。或熱痛。梔子大黃湯主之。黃汗一證。仲景金匱要畧。收入水氣病中。其主

黃汗以汗出
入水中此濕
鬱肌腠所致
法當充衛宜
陽故治黃汗
者以黃耆桂
枝湯主之

治與治疸亦自懸絕。後人以其汗黃遂列爲五疸之一。實非疸也。今本文旣云五疸則黃汗在其中。似不可移去。姑從之。而論治仍從要畧。在圓機者。自爲識別可也。要畧曰。黃汗之爲病。身體重。發熱。汗出而渴。狀如風水。汗沾衣。色正黃如藥汁。脉自沉。從何得之。師曰。以汗出入水中浴。水從汗孔入得之。宜黃耆芍桂酒湯主之。此黃汗之病因也。蓋人作勞汗出。陽氣動張。陰液妄泄。此時玄府未閉。

榮衛兩虛。卽浴于水。水寒之邪。未有不乘虛而入者。入則水濕肉。僂浮陽外。拒鬱搏于肌肉之間。肌肉者。脾土之合。故身則發熱而汗。則見黃色也。可以榮衛虛而受邪。邪入則愈虛。而陽仍不固。陰液仍泄。卽仲景所云陽浮者。熱自發。陰弱者。汗自出之義。以汗液出多。故渴。以水氣在表。故狀如風水。水性就下。故脉沉。治以黃耆芍桂酒湯者。所以和榮固衛。托裏建中。則黃從汗減。水從汗消。與治疽

甲錯言皮膚
燥澀之甚如
甲之錯

之發汗利小便者。固不可同日語也。又云。黃汗之
病。兩脛自冷。假令發熱。此屬歷節。食已汗出。又身
常暮盜汗出者。此勞氣也。若汗出已。反發熱者。久
久其身必甲錯。發熱不止者。必生惡瘡。若身重。汗
出已輒輕者。久久必身腫。腫卽胸中痛。又從腰已
上必汗出。下無汗。腰髀弛痛。如有物在皮中狀。刺
者。不能食。身疼重。煩躁。小便不利。此爲黃汗。桂枝
加黃耆湯主之。此黃汗之變證也。黃汗旣爲陰陽

兩虛。陽則浮散于表。陰則脫根於下。兩脛逆冷者。其常也。今不冷而反發熱。是熱爲濕鬱所成。乘陰之虛。流注下焦。以及于脛。而脛以上之諸節。歷遍而痛。不言可知。此黃汗之傳爲歷節者如此。衛者。陽氣也。勞則陽動。陽動則衛氣張散。卒逢食穀。胃陽驟升。張散之虛陽。不能羈縻穀氣之慄悍。故與之俱出而爲汗也。又暮爲陽衰之時。勞動衰耗之陽。暮則愈衰。衰則不能外固。而汗因盜出矣。此黃汗

理明義實無
一毫用力處

竭之後証
見隨至妙

之挾勞氣者如此。凡熱隨汗而解者。理之常也。今
汗已。反更發熱。如是久久。則津液續亡。肌膚枯澀。
身體又安得不甲錯乎。甲錯而熱仍不止。不但淺
災肌膚。亦將禍延肉理。惡瘡之生。勢所必然。如流注
毒之類身重者。水濕之邪也。汗出輒輕。似乎邪解。
故云惡。今云久久者。必輕而復重。重而復輕。亡散衛陽。耗
竭津液。不知其幾。而邪仍不去。則必轉爲身腫而
胸中痛矣。靈樞本藏篇云。衛氣和。則分肉解利。皮

膚調柔。腠理緻密。又云衛氣者。所以溫分肉。充皮
膚。肥腠理。司開闔。素問痺論又云。衛氣循皮膚之
中。分肉之間。熏于膏膜。散于胸腹。調經論亦云。陽
受氣于上焦。以溫皮膚分肉之間。觀諸篇論。則知
人身分肉腠理。皆衛氣之所充實。上焦胸腹。皆衛
陽之所布輪。今衛氣亡散。分肉腠理。不能緻密而
反空虛。空虛故觸而動。上焦胸腹。不得受其熏布。
亦隨觸而爲虛痛也。病必欲按榮氣既虛。衛復不固。況

腰已上爲陽。陽主開。故汗出。腰以下爲陰。陰主閉。榮衛虛而邪復滯着。故無汗。唯其無汗。邪不鬆解。故如有物在皮中。而腰腕爲之弛痛也。刺則三焦皆無所御。榮衛不能相將。氣不將于上。則不能食。氣不將于中。則生煩躁。氣不將于下。則小便不利。治以桂枝加黃耆湯者。與上條黃耆芍桂酒湯之義亦同。但此條云食已汗出。常暮盜汗。汗已反熱。汗出輒輕而不解。汗上出而下無。皆似病在汗處。

氣宜
此大

香性
養月

義解
結熱
最為聖

故加薑棗甘草。蓋欲助脾胃以行津液。蓋辛甘以

別取正汗耳。諸病黃家。但利其小便。假令脈浮。宜

以汗解之。宜桂枝加黃耆湯主之。治疸利小便固一定之法然脈

浮者鬱在表又宜以汗解也諸黃。猪膏髮煎主之。黃疸病。茵陳

五苓散主之。二皆通治之黃疸腹滿。小便不利而赤。自

汗出。此為表和裏實。當下之。宜大黃硝石湯。汗出為表

和腹滿便實為裏實裏實者宜下之黃疸病。小便色不變。欲自利。腹

滿而喘。不可除熱。熱除必賤。歲者。小半夏湯主之。

小便色不變大便欲自利裏無熱也則喘滿諸黃
為虛象若認為熱而除之必胃寒作嘔矣
腹痛而嘔者宜柴胡湯腹痛而嘔半表半裏柴胡湯即小柴胡湯也男

子黃小便自利常與虛勞小建中湯黃而小便自利知非濕鬱

乃男子勞役傷脾所致脾傷則見土色病黃疸發熱煩喘胸滿口燥

者以病發時火劫其汗兩熱所得然黃家所得從

濕得之一身盡發熱而黃肚熱熱在裏當下之凡

肚熱者熱在腹不獨疸也手按則知脈沉渴欲飲水小便不利者皆

發黃沉為在裏渴為裏熱熱則多飲而小便復不利必鬱為黃腹滿舌痿黃燥

黃疸之病陰
陽不和則初
起也

不得睡。屬黃家。胃土鬱則水液不分布故腹滿舌燥經云胃不和則睡不安皆黃家

之先黃疸之病。當以十八日為期。治之十日已上。

瘥。反劇為難治。土旺于四時各一十八日濕土之病期亦應之十日以上則旺氣漸

衰邪宜漸退反劇者則疽而渴者。其疽難治。疽而

不渴者。其疽可治。發於陰部。其人必嘔。發於陽部。

其人振寒而發熱也。濕土鬱而成疽內關脾胃發于脾陰則嘔發於胃陽則振

寒發熱皆二正文云。五疸實熱。以疽皆濕與熱鬱。

經是動之病外不得通。內不得泄。會蒸成黃。虛鬆而有通泄處。

則不能成黃。故曰實熱若是。則脉自應洪數。濇微者。自應爲虛黃也。渴爲裏熱。黃爲表蒸。表裏熱。乞陰何以堪。又疸旣濕鬱。汗溺不通。可復加之飲乎。渴則多飲。故最忌也。丹溪云黃疸不必分五總。是濕熱不分。則何以處治。是失之太簡。巢氏廣爲九疸。亦失之太繁。唯金匱論證處。方言言中的。學者宗之。自無過不及之偏也。

附方

金匱茵陳湯 治寒熱不食。食卽頭眩。心胸不安。久久發黃。名爲穀疸。

曰表痘乃
熱結於
胃可攻發
往結商
經也子
熱且矣

茵陳蒿

六兩

梔子

十四枚

大黃

二兩

右以水一斗。先煮茵陳減六升。內二味。煮三升。去滓。分溫三服。小便當利。尿如皂角汁狀。色正赤。一宿腹減。黃從小便去也。

硝石礬石散

治女勞疸。身黃額黑。日晡發熱惡

寒。膀胱急。小腹滿。足下熱。因作黑疸。其腹滿如水狀。大便必黑。時溇。此女勞之病。非水也。

硝石

礬石

各燒等分

右爲散。以大麥粥汁和服二錢。日三。重衣覆取汗。隨大小便去。小便黃。大便黑。是其候也。

金匱梔子大黃湯 治酒疸。心中懊懣。或熱痛。

山梔子

十四枚

大黃

一兩

枳實

五枚

豆豉

一升

右四味。以水六升。煮二升。分溫三服。

金匱黃耆芍桂酒湯

黃耆

五兩

白芍藥

桂枝

各三兩

右以苦酒一升水七升相和煮三升。溫服一升。當心煩服至六七日乃解。若心煩不止者以苦酒阻故也。

金匱桂枝加黃耆湯 治黃疸脉浮而腹中和者。宜汗之。若腹滿欲嘔吐。懊憹而不和者。宜吐之。不宜此方。

桂枝

白芍藥

生薑

各三兩

黃耆

甘草 各二兩

大棗

十二枚

右以水八升。煮三升。溫服一升。須臾飲熱稀粥一升餘。以助藥力。取微汗。若不汗。更服。

金匱猪膏髮煎

猪膏

半斤

亂髮

如雞子大二枚

右二味和膏中煎髮消藥成。分再服。病從小便出。

金匱茵陳五苓散

茵陳蒿末

十分

五苓散

五分

右二味和。先食飲方寸七。日三服。

金匱大黃硝石湯

大黃

黃蘗

硝石

各四兩
作滑石

梔子

十五枚

右以水六升。煮二升。去滓。內硝石。更煮取一升。頓服。

金匱小半夏湯

半夏

一升

生薑

半斤

右以水七升。煮一升半。分溫服。

小柴胡湯

見第四十三

小建中湯

見第二十二

醫燈續燭卷十

續

平恩續編卷十一

錢塘後學潛 輯 顧甫註

同邑社盟王公賢望異評

余亞章漢持

門人張履星太章校

朱行陸鄰侯

水病脈證第七十

脈得諸沉。責其有水。浮氣與風。沉石或裏。沉數爲動。

素問云水入於經其血乃成靈樞云經水者受水而行之則知水爲血之本若

沉遲爲陰浮大出厄虛小可驚。

據正文水氣有四曰氣水曰風水曰石水曰裏水。金匱要畧多皮水正水黃汗無氣水裏水而氣水裏水又各突見一條于後豈以皮水卽氣水與風水之脈皆浮者皆爲表水而以正水石水黃汗之脈皆沉者皆爲裏水者乎。其脈雖諸種不一而沉則在在皆兼卽氣水風水之在表而脈應浮者亦必有沉沉欲下之勢蓋沉下者水之性也以狀言。

浮則以位言耳。若沉而數，乃爲陽水。證必兼陽而熱多。沉而遲，乃爲陰水。證必兼陰而寒多。水脈浮大，水氣渙散，災厄將出之象。水脈虛小，則正衰邪存，誠可驚也。金匱要畧曰：風水，其脈自浮。外證骨節疼痛，惡風。又云：脈浮而洪，浮則爲風，洪則爲氣。風氣相搏，風強則爲癰疹，身體爲痒；痒爲泄風。久爲痂癩。氣強則爲水，難以俛仰。風氣相擊，身體洪腫，汗出乃愈。惡風則虛。此爲風水。不惡風者，小便

通利上焦有寒其口多涎此爲黃汗又云寸口脉沉滑者中有水氣面目腫大有熱名曰風水視人之目裹上微擁如蠶新卧起狀其頸脉動時時欬按其手足上陷而不起者風水又云太陽病脉浮而緊法當骨節疼痛反不疼身體反重而痠其人

通利上焦有寒其口多涎此爲黃汗又云寸口脉沉滑者中有水氣面目腫大有熱名曰風水視人之目裹上微擁如蠶新卧起狀其頸脉動時時欬按其手足上陷而不起者風水又云太陽病脉浮而緊法當骨節疼痛反不疼身體反重而痠其人不得之渴而不惡寒者此爲皮水身腫而冷狀如周痺胸中窒不能食反聚痛暮躁不得眠此爲黃汗

痛在骨節。欬而喘。不渴者。此爲脾脹。其狀如腫。發汗卽愈。然諸病此者。渴而下利。小便數者。皆不可發汗。又云。風水脈浮身重。汗出惡風者。防已黃耆湯主之。腹痛加芍藥。又云。風水惡風。一身悉腫。脈浮不渴。續自汗出。無大熱。越婢湯主之。皮水。其脈亦浮。外證肘腫。按之沒指。不惡風。其腹如鼓。不渴。當發其汗。又云。皮水爲病。四肢腫。水氣在皮膚中。四肢聶聶動者。防已茯苓湯主之。又云。厥而

者。蒲灰散主之。正水。其脉沉遲。外證自喘。石水。其

脉自沉。外證腹滿不喘。

黃汗其脉沉遲身發熱胸滿四肢頭面腫久不愈必

致難

裏水者。一身面目黃腫。其脉沉。小便不利。故

令病水。假如小便自利。此亡津液。故令渴也。越

加朮湯主之。甘草麻黃湯亦主之。又云。心水者。其

身重而少氣。不得卧。煩而躁。其人陰腫。

宜防已茯苓湯當歸

散之類

肝水者。其腹大。不能自轉側。脇下腹痛。時時

津液微生。小便續通。

宜分氣補心湯當歸散之類

肺水者。其身

言氣也

腫。小便難。時時鴨溏。

宜分氣香薷飲導水茯苓湯之類

脾水者。其

腹大。四肢苦重。津液不生。但苦少氣。小便難。

宜胃苓湯

調胃白朮澤瀉散之類

腎水者。其腹大。臍腫腰痛。不得溺。陰

下濕。如牛鼻上汗。其足逆冷。面反瘦。

宜金匱腎氣丸濟生腎氣

丸之類

又云。寸口脉沉而遲。沉則為水。遲則為寒。寒

水相搏。跌陽脉伏。水穀不化。脾氣衰。則鶩溏。胃氣

衰。則身腫。少陽脉卑。少陰脉細。男子則小便不利。

婦人則經水不通。經為血。血不利。則為水。名曰

分。

宜調榮散四製香附丸之類

又云。寸口脉遲而濇。遲則爲

凝。爲血不足。跌陽脉微而遲。微則爲氣。遲則爲寒。

寒氣不足。則手足逆冷。手足逆冷。則榮衛不利。榮

衛不利。則腹滿。脇鳴相逐。氣轉膀胱。榮衛俱勞。陽

氣不通。卽身冷。陰氣不通。卽骨疼。陽前通。則惡寒。

陰氣通。則痺不仁。陰陽相得。其氣乃行。大氣一轉。

其氣乃散。實則失氣。虛則遺尿。各曰氣分。

宜防上茯苓湯

實脾飲復元丹之類

又云。氣分。心下堅大如盤。邊如旋杯。水

飲所作桂枝去芍藥加麻辛附子湯主之。又云心
下堅大如盤邊如旋盤水飲所作枳朮湯主之。旋
也。杯高於盤盤大於杯此又云水之爲病其脉沉
杯盤之異總皆水飲聚結小屬少陰浮者爲風無水虛脹者爲氣水發其汗
卽已脉沉者宜麻黃附子湯浮者宜杏子湯。又云
病者苦水面目四肢身體皆腫小便不利脉之不
言水反言胸中痛氣上衝咽狀如灸齬當微欬喘
審如師言其脉何類師曰寸口脉沉而緊沉爲水。

緊爲寒沉緊相搏結在關元。始時當微年盛不覺陽衰之後榮衛相干陽損陰盛結寒微動腎氣上衝痰咽塞噎脇下急痛醫以爲留飲而大下之氣擊不去其病不除後重吐之胃家虛煩咽燥欲飲水小便不利水穀不化面目手足浮腫又與葶藶丸下水當時如小差。食飲過度腫復如前。胸脇苦滿象如奔豚其水揚溢則浮欬喘逆當先攻擊衝氣令止乃治欬欬止其喘自差。先治新病病當在

後

經宜金匱
腎氣丸

又云跌陽脉當伏。今反緊。本自有寒。

疝瘕腹中痛。醫反下之。下之即胸滿短氣。又云跌

陽脉當伏。今反數。本自有熱。消穀小便數。今反不

利。此欲作水。又云寸口脉浮而遲。浮脉則熱。遲脉

則潛。熱潛相搏。名曰沉。跌陽脉浮而數。浮脉即熱。

數脉即止。熱止相搏。名曰伏。沉伏相搏。名曰水。沉

則絡脉虛。伏則小便難。虛難相搏。水走皮膚。即爲

水矣。又云寸口脉弦而緊。弦則衛氣不行。緊即惡

寒水不沾流走于腸間。又云。少陰脉緊而沉。緊則爲痛。沉則爲水。小便卽難。脉得諸沉。當責有水。身體腫重。水病脉出者死。脉出者脉出腎少陰之部水源泛溢而散欲其歸源不可得矣。又云。夫水病人。目下有卧蚕。面目鮮澤。脉伏其人消渴。病水腹大。小便不利。其脉沉絕者。有水。可下之。又云。病下利後。渴飲水。小便不利。腹滿因腫者。何也。答曰。此法當病水。若小便自利。及汗出者。自當愈。又云。諸有水者。腰以下腫。當利小便。腰

此大法

以上腫當發汗乃愈以上金匱論水病之寒熱虛實表裏陰陽藏府氣血雖有多種然約而言之總不外腎脾肺三藏爲之原始也蓋腎居下焦屬水統攝陰液爲水之宗本右爲相火火以濟寒故水得以宣揚也脾居中焦屬土合肌肉爲水之隄防主化穀生津津生不窮故水得以灌溉也肺居上焦屬金主氣爲水之化源行榮衛而出治節故水得以通調也人或房室勞倦憂思恐懼飲食起居

三藏作用得
生說得最精
在氣統之

本在腎末在
肺乃水之源
流治水方法
從此體認

各以類傷其藏而藏氣虛。虛則各失其職。而水液
之常道紊矣。在腎則不能統攝。宣揚而停蓄在脾
則不能隄防。灌溉而濫行在肺則不能生化通調
而壅閉。况脾與胃合。胃又倚腎爲開。開門不利。則
水聚。利則必由于氣化。是肺又爲腎關之所倚也。
故素問水熱穴論曰。其本在腎。其末在肺。皆聚水
也。右仲景治水方法。皆以脉證爲本。而後量其輕
重虛實。治之百無一失。世俗淺醫。欲求急効。動以

破氣去水爲正治。不知暫寬一二。腫滿續至。坐視其死者。比比可勝悼哉。後學當不厭其繁而一唯以靈素金匱爲準。斯得之矣。○準繩云。腫病不一。或徧身腫。或四肢腫。面腫。脚腫。皆謂之水氣。然有陽水。有陰水。並可先用五皮飲。或除濕湯。加木瓜。腹皮各半錢。如未効。繼以四磨飲。○徧身腫。煩渴。小便赤澀。大便多閉。此屬陽水。輕宜四磨飲。添磨生枳壳。煎進。保和丸重用疏鑿飲子利之。以通爲

度亦有雖煩渴而大便已利者。此不可更利。宜用五苓散加水通大腹皮半錢以通小便。○徧身腫不煩渴大便自調或溇泄小便雖少而不赤澀。此屬陰水。宜實脾飲小便多少如常。有時赤有時不赤。至晚則微赤却無滯滯者亦屬陰也。不可遽補。木香流氣飲繼進復元丹。若大便不溇氣息脹滿宜四磨飲下黑錫丹。○四肢腫謂之肢腫宜五皮飲加薑黃木瓜各一錢或四磨飲或用白朮三兩。

咬咀。每服半兩。水一盞半。大棗三枚。拍破。同煎至九分。去滓。溫服。日三。無時。名大棗湯。○面獨腫。蘇子降氣湯。兼氣急者尤宜。或煎熟去滓後。更磨沉香一呷。○有一身之間。唯面與雙脚浮腫。早則面甚。晚則脚甚。經云。面腫爲風。脚腫爲水。乃風濕所致。須問其大小腸通閉。別其陰陽。二證前後用藥。除濕湯。加木瓜。腹皮。白芷。各半錢。可通用。或以蘇子降氣湯。除濕湯。各半貼煎之。○羅謙甫導滯

通經湯。治面目手足浮腫。○感濕而腫者。其身雖腫而腰下至脚尤腫。腿脹滿尤甚于身。氣或急。或不急。大便或澹。或不澹。但宜通利小便爲佳。煎五

苓散吞木瓜丸。

內犯牽牛亦不可輕服

間進除濕湯。加木瓜

腹皮各半錢炒。萊菔子七分半。○因氣而腫者。其脉沉伏。或腹脹。或喘急。宜分氣香蘇飲。○飲食所傷而腫。或胸滿。或噯氣。宜消導寬中湯。○不服水土而腫者。胃苓湯。加味五皮湯。○有患生瘡。用乾

自有外
得汗微
之生
出路不
見與數
邪閉
不能外達
有膨脹喘
而死者慎

瘡藥太早。致徧身腫。宜消風敗毒散。若大便不通。
升麻和氣散。若大便如常。或自利。當導其氣。自小
便出。宜五皮飲。加生料五苓散。腹若腫。只在下。宜
除濕湯。和生料五苓散。加木瓜澤瀉之類。○已上
數條。爲有餘之證。○大病後浮腫。此係脾虛。宜加
味六君子湯。白朮三錢。人參黃耆各一錢半。白茯苓
二錢。陳皮半夏麴芍藥木瓜各一錢。炙甘草大
腹皮木香各五分。薑棗煎服。小便不利。間入五苓

散。○有脾肺虛弱。不能通調水道者。宜用補中益氣湯。補脾肺。六味丸補腎。○有心火尅肺金。不能生腎水。以致小便不利而成水證者。宜人參平肺散。○若腎經陰虧。虛火爍肺金而小便不生者。用六味地黃丸以補腎水。用補中益氣湯以培脾土。脾肺腎之氣交通。則水穀自然尅化。二經既虛。漸成水脹。又誤用行氣分利之藥。以致小便不利。喘急痰盛。已成蠱證。宜加減金匱腎氣丸主之。○已

自證精詳集
病悉搜奇
六經無遺漏

上數條爲不足之證。○不足者正氣不足。有餘者。邪氣有餘。凡邪之所凑。必正氣虛也。故以治不足之法。治有餘。則可以治有餘之法。治不足。則不可。○紫古法。如水腫。因氣爲腫者。加橘皮。○因濕爲腫者。煎防已黃耆湯。調五苓散。因熱爲腫者。八正散。○如火熱燥肺爲腫者。乃絕水之源也。當清肺除燥。水自生矣。于梔子豉湯中加黃芩。○如熱在下焦。陰消。使氣不得化者。當益陰而陽氣自化。黃

肺服之疾禁
鹿頭最

藥黃連是也。○如水服之病當開鬼門。潔淨府也。
白茯苓湯主之。○白茯苓湯能變水。白茯苓澤瀉
各二兩。郁李仁五錢。水一碗。煎至一半。生薑自然
汁入藥。常服無時。從少至多。服五七日後。覺腹下
再腫。治以白朮散。白朮澤瀉各半兩。爲末。煎服三
錢。或丸亦可。煎茯苓湯下三十丸。以黃耆芍藥建
中湯之類調養之。平復後。忌房室。猪魚鹽麪等物。
○香茹熬膏。丸如桐子大。每服五丸。日三。漸增以

小便利爲度。○冬瓜不限多少。任喫。○鯉魚一頭。重一斤已上者。煮熟。取汁和冬瓜芎白作羹食之。○青頭鴨。或白鴨。治如食法。細切。和米并五味煮熟作粥。食之。宜空腹時進。昔人論水病。知經義者。固惟仲景一人。近世何柏齋。張景岳二論。亦庶幾焉。故附錄於左。柏齋曰。造化之機。水火而已。宜平不宜偏。宜交不宜分。水爲濕。爲寒。火爲燥。爲熱。火性炎上。水性潤下。故火宜在下。水宜在上。則易交。

也。交則爲既濟，不交則爲未濟。不交之極，則分離而死矣。消渴證，不交而火偏盛也。水氣證，不交而水偏勝也。制其偏而使之交，則治之之法也。小火不能化大水，故必先瀉其水，後補其火。開鬼門，瀉在表在上之水也。潔淨府，瀉在裏在下之水也。水勢既減，然後用煖藥以補元氣，使水火交，則用藥之次第也。又云：盧氏以水腫隸肝腎胃而不及脾。丹溪非之似矣，然實則皆非也。蓋造化生物，天地

水火而已矣。至之者天也，成之者地也，故曰乾知
太始，坤作成物。至于天地交合變化之用，則水火
二氣也。天運水火之氣于地之中，則物生矣。然水
火不可偏盛，太旱物不生，火偏盛也；太澇物亦不
生，水偏盛也。水火和平，則物生矣。此自然之理也。
人之藏府，以脾胃爲主。蓋飲食皆入于胃而運以
脾，猶地之土也。然脾胃能化食與否，實由于水火
二氣，非脾胃所能也。火盛則脾胃燥，水盛則脾胃

濕皆不能化物。乃生諸病。水腫之證。蓋才盛而少不能化也。火衰則不能化水。故水之入于脾胃者。皆滲入血脉骨肉。血亦化水。肉發腫脹。皆自然之理也。導去其水。使水少減。復補其火。使二氣平和。則病去矣。丹溪謂脾失運化。由肝木侮脾。乃欲清心經之火。使肺金得令。以制肝木。則脾土全運化之職。水自順道。乃不爲腫。其詞迂而不切。故書此辯之。

景岳曰。愚按腫脹一證。觀靈樞經論之義。則五藏六府。無不有之。再考諸篇。如脈要精微論曰。胃脈實。氣有餘則脹。邪氣藏府病形篇曰。胃病者。腹臃脹。胃脘當心而痛。本神篇曰。脾氣實。則腹脹。涇洩不利。陰陽應象大論曰。濁氣在上。則生臃脹。此皆實脹也。太陰陽明論曰。飲食起居失節。入五藏。則臃滿閉塞。經別篇曰。足太陰之別。公孫虛。則鼓脹皆虛脹也。經脈篇曰。胃中寒。則脹滿。異法方宜論

曰藏寒生滿病。風論曰胃風鬲塞不通。腹善脹。失衣則腹脹。此皆寒脹也。陰陽別論曰二陰一陽發病。善脹。心滿。診要經終論曰手少陰終者。腹脹閉。足太陰終者。腹脹閉。此心脾受傷之脹也。此

六元正紀至真要大等論有云太陰所至。爲身重。胕腫。及土鬱之發。太陰之初氣。太陰之勝復。皆濕勝之腫脹也。有曰水運之太過。有曰寒勝則浮。有曰太陽之司天。太陽之勝復。皆寒勝之腫脹也。有

曰少陰之司天。少陰之勝復。少陽之司天。少陽之勝復。有曰熱勝則腫。皆火勝之腫脹也。有曰厥陰之司天在泉。厥陰之復。有曰陽明之復。是皆水邪侮土。及金氣反勝之腫脹也。按此則不唯五藏六府。卽五運六氣。亦無不皆有是病。然至真要大論曰。諸濕腫滿皆屬于脾。水熱穴論曰。其本在腎。其末在肺。皆聚水也。又曰。腎者胃之關也。關門不利。故聚水而從其類也。由此言之。則諸經雖皆有脹。

然無不關於脾肺腎三藏。蓋脾屬土。主運化。肺屬金。主氣。腎屬水。主五液。凡五氣所化之液。悉屬於腎。五液所行之氣。悉屬於肺。轉輸于二藏之中。以制水生金者。悉屬於脾。所以腫脹之生。無不由此三者。但證有陰陽虛實。如諸論之所云者。不可不辯。大都陽證多熱。熱者多實。陰證多寒。寒者多虛。先脹于內而後及于外者多實。先腫于表而後甚于裏者多虛。小便黃赤。大便秘結者多實。小便清

白。大便秘澀者多虛。脈滑數有力者多實。弦浮微細者多虛。形色紅黃。氣息麤長者多實。容顏憔悴。音聲短促者多虛。凡是實證。必由六淫有餘傷其外。或飲食怒氣傷其內。故致氣逆不行。三焦壅閉。此則多在氣分。無處不到。故不分部位而多通身浮腫。又或氣實于中。則爲單腹脹。然陽邪急速。其至必暴。每成于旬日數日之間。此惟少壯者多有之。但破其結氣。利其壅滯。則病無不愈。此治實

在氣不能升
清降濁在血
不能上下分
消

之道也。若是虛證必由五志積勞。或酒色過度。傷其脾腎。日積月累。其來有漸。此等病候。多染于中年之外。其形證脈氣。必有虛寒之候。顯然可察。非若實證之暴至。而邪熱壅結。肝氣悍逆之有因也。治實者本無所難。最難者在治虛耳。然虛有在氣者。有在水者。在氣者以脾氣虛寒。不能運化。所謂氣虛中滿者是也。在水者以脾虛不能制水。則寒水反侮脾土。泛濫為邪。其始也。必從陰分。漸次而

化源正氣
八味發
義

升。按肉如泥。腫有分界。所謂水鼓水脹者是也。然水雖制于脾而實主於腎。蓋腎本水藏而元陽生氣所由出。若腎中陽虛則命門火衰。既不能自制陰寒。又不能溫養脾土。陰陽不得其正。則化而爲邪。夫氣卽火也。精卽水也。氣之與水本爲同類。但在於化與不化耳。故陽旺則化而精能爲氣。陽衰則不化而水卽爲邪。凡火盛水虧則病燥。水盛火虧則病濕。故火不能化則陰不從陽而精氣皆化。

爲水。所以水腫之證多屬陽虛。故曰寒脹多。熱脹少也。然觀丹溪之治腫脹。云清濁相混。隧道壅塞。而爲熱。熱留爲濕。濕熱相生。遂成脹滿。治宜補其脾。又須養肺金以制木。使脾無賊邪之患。滋腎水以制火。使肺得清化之令。其說重在濕熱。而猶以制火爲言。夫制火固可保金。獨不慮其不生土乎。若以此法施于陽實而熱者。則可。若以治陽虛而氣不化者。豈不反助陰邪而益其病哉。故予之治

人有探治
法故有消
導真之疾

此必察其果係實邪則直清陽明除之極易凡屬
虛勞內損者多從溫補脾腎而愈俱得復元或臨
證之際有虛實未明疑似難決者則寧先以治不
足之法探治有餘若果未投而病反加甚是不宜
補也不妨易輟自無大害倘藥未及病而病自甚
者其輕重真假仍宜詳察若誤以治有餘之法治
不足而曾經峻攻者真氣復傷雖神丹不能療矣
或從清利暫見平復使不大補脾腎以培根本雖

愈目前。未有不危亡踵至者。此治虛之道也。夫腫脹之病。多有標實本虛。最爲危候。若辨之不明。則禍人非淺。

附方

仲景防己黃耆湯 見第六十七

仲景越婢湯 加水四兩。卽越婢加水湯。

麻黃 六兩 石膏 半斤 生薑 三兩

大棗 十五枚 甘草 二兩

水六升。先煮麻黃去上沫。內諸藥煮三升。分溫三服。

防已茯苓湯

防已

黃耆

桂枝

各三兩

茯苓

六兩

甘草

二兩

水六升。煮二升。分溫三服。

蒲灰散

蒲灰

一兩七錢半

滑石

五錢

右杵爲散。飲服方寸匕。日三服。

甘艸麻黃湯

甘艸

二兩

麻黃

四兩

水五升。先煮麻黃去上沫。內甘艸煮三升。溫服一升。重覆汗出。不汗再服。慎風寒。

當歸散 水腫之疾多由腎氣不能攝養心火。心火不能滋養脾土。故土不制水。水氣盈溢。氣脉閉塞。滲透經絡。發爲浮腫。心腹堅脹。喘滿不安。

當歸

桂心

木香

赤茯苓

木通

檳榔

赤芍藥

牡丹皮

陳皮

白朮

各一錢
三分

水二鍾

紫蘇五葉。木瓜一片。煎一鍾。不拘時服。

分氣補心湯

治心氣鬱。發爲四肢浮腫。上氣喘

急。

木通

川芎

前胡

去苗

大腹皮

泡

青皮

白朮

枳殼

炒 碎

甘艸

炙 各一錢

香附

炒 去毛

白茯苓

桔梗

各一錢半

細辛

木香

各五分

水二鍾。薑三片。紅棗二枚。煎一鍾。食前服。

分氣香蘇飲

桑白皮

炒

陳皮

茯苓

大腹皮

香附

炒 各一錢

紫蘇

半一錢

桔梗

枳殼各八分

草果仁七分

五味子

十五粒

水二鍾薑三片煎八分入鹽少許食前服

導水茯苓湯 治水腫頭面手足徧身腫如爛瓜

手按而陷手起隨高喘滿倚息不能轉側不能

倒臥飲食不下小便秘澀溺出如割或如黑豆

汁諸藥不効用此即愈

赤茯苓

麥門冬去心

澤瀉

白朮

各三兩

系白皮

紫蘇

檳榔

木瓜

各一兩

大腹皮

陳皮

砂仁

木香

各七錢半

右咬咀。每服半兩。水二盞。燈艸二十五根。煎八分。去滓。空心服。如病重者。可用藥五兩。再加去心門冬二兩。燈艸半兩。水一斗。於砂鍋內。熬一大碗。再下小銚內。煎至一大盞。五更空心服。滓再煎服。連進三服。小水自利。一日添加一日。

胃苓湯 見第十七

元戎調胃白朮澤瀉散 治痰病化爲水氣傳爲

水鼓不能食

白朮

澤瀉

芍藥

陳皮

茯苓

生薑

木香

檳榔

各等分

右爲末。水煎服。一法加白朮治臍腹上腫如神。
心下痞者加枳實下盛者加牽牛。

金匱八味丸

見第十六

濟生腎氣丸

治腎虛脾弱腰重脚腫小便不利

或肚腹腫脹或喘急痰盛已成蠱譫其効如神

此證多因脾胃虛弱治失其宜元氣復傷而變者非此不救

熟地黃

四兩

薯蕷

一兩

山茱萸

一兩

澤瀉

一兩

茯苓

三兩

牡丹皮

一兩

肉桂

一兩

附子

炮五錢

牛膝

一兩

車前子

一兩

右末。煉蜜丸如桐子大。每服七八十丸。空心米飲下。

調榮飲 治瘀血留滯化爲水。四肢浮腫。皮肉赤紋。名血分。

蓬朮

川芎

當歸

延胡索

白芷

檳榔

陳皮

赤芍藥

桑白皮

炒

治腎目香附
積堅多毛而
氣勝為肺家
專藥故入肺
經以行榮衛
是以婦女經

大腹皮
赤茯苓
葶藶

瞿麥
各一錢
大黃
半一錢
細辛

官桂
其艸
五分

作一服。水二鍾。葢三片。紅棗二枚。煎一鍾。食前

服。

四製香附丸 治婦人女子。經候不調。

香附
浸去皮一斤分作四分酒浸一分鹽水浸
一分童便浸一分醋浸一分各三日焙乾

右為細末。醋糊丸如桐子大。每服七十丸。空心

食前溫酒下。香附子血中之氣藥也開鬱行氣而血自調何病不瘳補人宜常服之

濟生實脾飲 治陰水發腫。用此先實脾土。

厚朴

去皮薑製

白朮

木瓜

去穢

大腹子

附子

炮

木香

不見火

草果仁

白茯苓

去皮

乾薑

炮各一兩

甘草

炙半兩

右咬咀。每服四錢。水盞薑五片。棗一枚。煎七分。

不拘時溫服。

復元丹

見第六十四

桂枝去芍藥加麻黃附子細辛湯

桂枝

生薑

各三兩

甘草

一兩

大棗

十二枚

麻黃

細辛

各二兩

附子

一枚

右以水七升。先煮麻黃去上沫。內諸藥煮取二升。分溫三服。當汗出如蟲行皮中。即愈。

金匱枳朮湯

枳實七枚

白朮二兩

右咬咀以水五升煮取三升分溫三服腹中軟

卽當散也

麻黃附子湯

麻黃三兩

甘草二兩

附子一枚炮

水七升先煮麻黃去上沫內二味煮取二升半

溫服八合日三服

葶藶丸

治肺氣咳嗽。面目浮腫。喘促不安。小便

赤色。

甜葶藶

隔紙炒

貝母

煨黃色

木通

各一兩

杏仁

去皮尖雙仁炒

防已

各二兩

為末。棗肉丸如桐子大。每服五十丸。桑皮煎湯

食前下。

和劑五皮散

治風濕客于脾經。氣血凝滯。致面

目虛浮。四肢腫滿。心腹膨脹。上氣喘急。兼治皮

水姪娠胎水

五加皮

地骨皮

生薑皮

大腹皮

茯苓皮

各等分 一方加白木磨沉香木香入服

右咬咀每服三錢水一盞煎七分熱服無時

除濕湯

見第二十一

濟生四磨湯

治七情感傷上氣喘悶不食

人參

檳榔

沉香

天台烏藥

右四味各濃磨水。取七分。煎三五沸。放溫。空心服。或下養正丹尤佳。

濟生疏鑿子飲 治水氣浮腫喘急煩躁多渴。大小便不利。服熱藥不得者。

澤瀉

商陸

赤小豆炒

羌活

去蘆

大腹皮

椒目

木通

秦艽

去蘆

茯苓皮

檳榔

各等分

右改咀。每四錢水一盞。薑五片。煎七分。空心服。

五苓散 見第十七

和劑木香流氣飲 治諸氣痞塞不通。胸膈膨脹。

面目虛浮。四肢腫滿。口苦咽乾。大小便秘。

半夏

湯洗七次
焙二兩

青皮

去白

厚朴

薑製去
麁皮

紫蘇

去梗

香附子

去毛
炒

甘艸

炙各
一斤

陳皮

去白
二斤

肉桂

去
不見火

蓬莪朮

煨

丁香皮

不見
火

草果仁

各六
兩

木通

去節
八兩

藿香葉

白芷

赤茯苓

去皮

白朮

乾木瓜

人參

去蘆

石菖蒲

各四兩

右㕮咀。每服四錢。水一盞半。薑三片。棗二枚。煎七分。熱服。

和劑黑錫丹

治痰氣壅塞。上盛下虛。心火炎盛。

腎水枯竭。一應下虛之證。及婦人血海久冷。

子。赤白帶下。

沉香

葫蘆巴

酒浸炒

附子

炮

陽起石

研細水飛各一兩

肉桂

半兩

破故紙

舶茴香

炒

肉豆蔻

麩炒

木香

金鈴子

硫黃

黑錫

去滓研各二兩

右用黑盞或新鐵銚內如常法結黑錫硫黃砂子。地上出火燒研極細。餘藥細末和勻。自朝至暮以研至黑光色為度。酒糊丸如桐子大。陰乾。

入布袋內擦令光瑩。每四十丸。空心鹽薑湯。或
聚湯下。女人艾聚湯下。

和劑蘇子降氣湯。治虛陽上攻。氣不升降。上盛

下虛。痰涎壅盛。胸膈噎塞。并久年肺氣至効。

紫蘇子

炒

半夏

湯炮各二錢半

前胡

去蘆

甘艸

炙

厚朴

去皮薑製炒

陳皮

去白各一錢

川當歸

去蘆一錢半

沉香

七分

水二鍾。薑三片。煎一鍾。不拘時服。虛冷人。加桂

五分。黃耆一錢。

黃鑑導滯通經湯 治脾濕有餘。及氣不宜通。面

目手足浮腫。

木香

白朮

桑白皮

陳皮

茯苓

各等分

右咬咀。每五錢。水二盞。煎一盞。去滓。溫服。空心
食前。內經云。濕淫所勝。平以苦瀉。以苦燥之。以
淡泄之。陳皮苦溫。理肺氣。去氣滯。故以爲主。桑

仙醫曰有白
米而曰白
不用血藥
云通經其
有在可細思
之

皮甘寒。去肺中水氣。水腫臃脹。利水道。故以爲
佐。木香苦辛溫。除肺中滯氣。白朮苦甘溫。能除
濕和中。以苦燥之。白茯苓甘平。能止渴除濕。利
小便。以淡滲之。故以爲使也。

和劑木瓜圓 治腎經虛弱下攻。腰膝沉重。少力。
腿脚腫痒。疰破生瘡。脚心癢痛。筋脉拘攣。或腰
膝緩弱。步履艱難。舉動喘促。面色黧黑。大小便
秘澁。飲食減少。無問久新。並宜服之。

熟地黄

洗焙

陳皮

去白

烏藥

各四兩

黑牽牛

炒三兩

石楠藤

杏仁

去皮尖

當歸

菰蓉

酒浸焙

乾木瓜

續斷

牛膝

酒浸各二兩

赤芍藥

一兩

右爲細末。酒糊爲圓。如桐子大。空心木瓜湯吞。

三五十圓。溫酒亦得。

消導寬中湯

白朮

一錢五分

枳實

麤炒

厚朴

薑製

陳皮

半夏

山查肉

茯苓

神麴炒

麥芽炒

蘿蔔子

炒各一錢

水二鍾。薑三片。煎八分。

小便不利加猪苓澤瀉

加味五皮湯

卽五皮散。脚腫加五加皮。木瓜。防

己。不服水土。入胃苓湯。

消風敗毒散

人參

獨活

柴胡

桔梗

枳殼

炒 麩

羌活

茯苓

川芎

前胡

甘草

荊芥

防風

各一錢

水二鍾薑三片煎八分食遠服。

和劑升麻和氣散

乾薑

五分

乾葛

一兩

大黃

蒸半兩

熟枳殼

五分

桔梗

熟蒼朮

升麻

各一兩

芍藥

七錢半

陳皮

甘艸

各一兩半

當歸

熟半夏

白芷

茯苓

各二錢

每服四錢。水一盞。薑三片。燈心十莖。煎七分。食

前溫服。

補中益氣湯

見第三十九

六味丸

見第十六

東垣人參平肺散 治肺受熱而喘。

桑白皮

各二錢

知母

一錢半

甘草

炙

白膏厚
 知非肺
 生之熱
 中用人
 味

茯苓

人參

地骨皮

天門冬

去心各一錢

青皮

陳皮

各六分

五味子

三十粒
楚碎

水二鍾。生薑五片。煎一鍾。食遠溫服。如熱加黃

芩。薄荷葉各一錢。

八正散

見第四十九

梔子豉湯

梔子

十四枚炒

香豉

四合

傷寒汗吐下後。虛煩不得眠。心中懊憹者。此方
主之。○汗吐下之後。正氣不足。邪氣乘虛而結
于胸中。故煩熱懊憹。煩熱者。煩擾而熱。懊憹者。
懊惱憹悶也。梔子味苦。能湧吐熱邪。香豉氣腐。
能剋制熱勢。所謂苦勝熱。腐勝焦也。是方也。惟
吐無形之虛煩則可。若用之以去實。則非梔子
所能宣矣。宣實者。以瓜蒂散主之。